


姓
觸
刊
誤
附
劄
記





姓 觸 刊 誤
附 劄 記

易 本 煊 撰

編主五雲王

編初成集書叢

誤刊觸姓
記劄附

中華民國二十五年十二月初版

撰者 易本焯

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

姓觸栞誤劄記

第四葉 司鐸注左傳有司鐸射栞誤云急就篇亦云然考左傳哀三年司鐸火司鐸者魯之宮名也未見司鐸射其人 案左傳魯昭公十三年平丘之會晉人執季孫意如司鐸射懷錦奉壺飲冰以蒲伏焉是左傳實有司鐸射陳氏不誤

第五葉

鉏注左傳魯有鉏麇蓋季公鉏之後栞誤云此語太謬鉏麇是晉力士死在宣公二年魯季公鉏見于襄公二十三年而以爲其後可晒已極 案左傳魯哀公十四年叔孫氏之車子鉏商獲麟是魯有鉏姓麇字係商字之訛

第五葉

黎注左傳有齊大夫黎彌且棐誤云左傳定九年齊有黎彌非黎彌且 案黎字誤犁彌乃犁字從牛不從余字義各別

第十三葉

汜棐誤云姓當在三十咸韻字當作汜 案咸字係陷字之譌陷韻汎通泛汜

第十四葉

子淵注姓源云田齊公孫捷之後棐誤云姓氏急就篇子淵氏左傳齊頃公之孫子淵捷其語甚明姓源誤以田齊之公孫捷當之 案公孫捷乃晏子二桃殺三士之一後百有餘歲田氏始篡姜氏而王齊易氏龔言田齊亦考未精

第十五葉

棐注姓考云古棐國鄭之棐林是也棐誤云

左傳文十三年鄭伯會公于棐經傳皆無林字 案
春秋魯宣公元年宋公陳侯衛侯曹伯會晉師于棐
林伐鄭杜注棐林鄭地左傳魯襄公三十一年衛襄
公如楚過鄭印段廷勞於棐林是鄭之棐林乃要衝
最著之地此又陳氏有據而易氏疏也

第十六葉

尹注姓考云沈子逞奔楚爲令尹後有尹氏

棐誤云春秋昭二十三年吳敗頓胡沈蔡陳許之師
於雞父胡子髡沈子逞滅是沈子逞已爲吳所獲矣
安有奔楚爲令尹之事 案汲冢周書和寤解云王
乃厲翼於尹氏八士詩小雅節南山尹氏太師維周
之氏春秋魯昭公二十三年尹氏立王子朝左傳魯

昭公二十六年王子朝與尹氏固奉周之典籍以奔
楚尹氏世爲周貴臣其爲尹姓之所自出明甚惜易
氏未能舉此正之 黃岡丁兆松記

姓鱗栞誤

湖北叢書用京山易氏家藏稟

京山易本煥撰

陳心叔既著姓匯四卷復廣爲姓鱗十卷凡三千六百二十五姓又附錄三言夷姓九十九可謂博矣然語焉詳而擇焉不精所引者多舛誤又有重複刻本復多亥豕煥愛其書擇補入先兄姓氏海鑑者凡八百餘條其灼然譌誤者凡百九十九事栞記于左非敢妄詆先正也摭引謬誤尙冀覽者栞削先生自序已言之矣

鴻注左傳衛大夫鴻聊臚之後案聊當作駟

熊注三國志有熊僧循案說文無僧字六朝人始有

以僧字爲名者三國未必有此

且是二名

又不言出何志

侯攷確

後僧姓引晉書有僧涉亦可疑也

東里注三國志曹瞞傳有南陽太守東里袞案三國志魏武帝紀注引曹瞞傳有東里袞此脫注字袞譌袞

公之注集韻云季孫鞅字公之後以王父字爲氏左傳公之魚是也案左傳季平子之弟曰公之不言名鞅公之魚見史記孔子世家非左傳

公何注世本云季氏族魯有公何藐案左傳定公十年有公若藐杜注叔孫之族無公何藐其人姓氏急就篇亦據世本載公何氏恐皆誤

後已有公若氏云魯叔孫藐之後

公申注世本云魯公申叔之後案左傳襄八年魯有
公甲叔子無公申叔此必誤也王伯厚只載公甲氏
公沮注姓纂云左傳季武子庶子公沮之後案季武
子之庶子公彌亦曰公鉏非公沮也上已有公鉏氏
此誤姓宜刪

公禱注案漢書藝文志及姓氏急就篇皆作公禱此
作禱或寫刻之譌

公休注孔子弟子有公休哀案孔子弟子爲公皙哀
非公休哀

公南注衛公子楚字子南因氏左傳公南牟是也案
左傳未見公南牟

公爲注姓考云魯昭公子公爲之後左傳魯有士官

公爲珍案左傳無公爲珍且魯亦無士官名目姓氏

篇有魯士官公爲珍

語卻不言出左傳

公緒案公緒卽公堵重出

空注苦紅切案姓在江韻當作苦江切

彌注姓考云左傳有衛大夫彌子瑕以王父字彌牟
爲氏案此語恐誤彌子瑕見于左傳定六年公孫彌
牟者字子之衛靈公子公子郢之子也其名見于哀
公五年彌子瑕在前公孫彌牟在後而以彌牟爲彌
子瑕之王父其誰信之

次注桂陽太守次克案克係充字之譌

司注左傳鄭大夫司成之後案當作司臣

礪注漢書郊祀志有上林中礪氏館案礪姓未確漢書武帝本紀又作躡氏觀館觀有躡氏之名未必遂爲姓氏之氏也如漢時縣名多用氏字矣

師注晉時師宜官上書王右軍云師宜墨帖之奇令去官字案師宜是複姓師宜官爲漢靈帝時人見晉書衛恒傳此皆誤

邾注姓考云楚滅邾國因氏案左傳邾爲魯所取非楚滅

猗注千家姓云東魯族史記魯有猗頓案姓氏急就篇無猗姓玉篇猗氏縣名史記貨殖傳猗頓用鹽

起注以興富于猗氏故曰猗頓據此則猗非姓氏蓋如陶朱公之類耳且猗氏係晉地與魯無涉千家姓所云殆想像語耳

遺注急就章有遺餘案急就篇云續增紀遺失餘顏師古注曰遺氏本魯季孫家臣南遺之後也失餘言所失之餘惟此一字也今乃割去失字而以遺餘爲人姓名妄矣

戲注北史魏有潁川戲志才案潁川戲志才見三國志魏書郭嘉傳此誤以爲元魏遂妄加北史字

實韻重出

此姓卻作魏不誤

司星注左傳宋有司星子韋案宋司星子韋見史記

天官書漢書藝文志左傳無其人

禘案左傳論語及諸書所引皆从衣作禘此獨从示作禘未詳

司鐸注左傳有司鐸射案急就篇亦云然考左傳哀三年夏司鐸火司鐸者魯之宮名也未見有司鐸射其人俟細攷

師延注左傳宋大夫師延宜案亦未見

姓氏急就篇不言出左傳

夷邱注左傳晉有夷邱五案左傳成十七年晉有夷陽五非夷邱

歸注氏族大全云晉大夫歸生之後案晉無大夫名歸生者當作鄭又引國名紀云舜臣后稷封歸卽今

柘歸以國爲氏案此又謬后稷封有邰豈詩經亦未之讀耶

肥注春秋昭公十二年晉滅肥肥子奔燕案左傳晉滅肥以肥子緜臯歸無肥子奔燕之事

蜚注姓纂云非子支孫封于蜚鄉因氏案說文邑部蜚河東聞喜鄉名廣韻伯益之後封于蜚鄉因以爲氏後封解邑乃去邑从衣故今姓作裴此其可據者姓纂蜚字必蜚之譌也

韋注晉書有韋昭案韋昭三國吳人

且注左傳吳有行人且堯案堯當作姚

諸注左傳越大夫諸鞍案當作諸鞅

鈕注左傳魯有鈕麇蓋季公鈕之後案此語大謬鈕麇是晉力士而以爲魯人鈕麇死在宣公二年魯季公鈕見于襄公二十三年而以爲其後可哂已極余注元史有余闕案錢大昕元史氏族表余闕爲唐兀氏其弟兄有沙刺入洪保福壽諸人非余姓也舒鮑注左傳有晉大夫舒鮑無終案舒鮑無終乃兩小國名而以爲晉人姓名杜撰不通

胥門注姓考云伍子胥抉目吳門因謂子胥門後以胥爲氏三國志吳有胥門巢案此條又大可笑左傳哀十一年吳伐齊胥門巢將上軍其下傳尙有越人朝吳吳人皆喜而子胥懼之文子胥未死乃以胥門

巢謂其後不通之至又云是三國志以春秋之吳爲孫吳更可笑

胥彌注左傳衛有胥彌敖案敖爲赦之譌

媯注集韻云女姓案集韻媯女字也非姓

荼注漢書江都王建傳有荼括案括當作恬

蒲侯注左傳襄二十二年與莒子遇蒲侯氏案二十

二年當作二十三年又當云先遇莒子于蒲侯氏

蒲蘆案蘆當作盧

屠岸注左傳有晉大夫屠岸賈案左傳當作史記

黎注左傳有齊大夫黎彌且案左傳定九年齊有黎

彌非黎彌且

齊季注姓纂云齊公子季奔楚後爲齊季氏左傳楚有齊季窺案左傳楚無此人

提彌注干家姓云京兆族左傳晉有提彌明案晉提彌明提其姓彌明其名彌明雙聲字古人多用之唐尙有軒轅彌明也乃以提彌爲複姓誤矣

幽案幽譌刻作幽

鱗注左傳鱗曜案曜爲瞳之譌

綸注三國魏志公孫瓚臣有綸直案當作公孫淵其注攷在姓氏海鑑

申鮮注姓考云左傳齊大夫申鮮虞之後案前申姓中已引齊申鮮虞矣姓氏急就篇亦同此以申鮮爲

複姓殆誤

申叔注姓考云左傳楚有申叔時申叔跪申叔豫申叔展皆申無宇之後案此真亂道也經傳釋義楚世系圖申叔時生叔跪跪生叔豫豫生申無宇無宇生申亥其次如此今縱不以爲據而申叔時中叔展皆在莊王時無宇在靈王時而以申叔時等皆無宇後不通至此

陳豐注馨如堯之母陳豐氏案當云帝馨如陳豐氏堯之母也文義乃明

辛廖注路史云楚公族案左傳晉有辛廖前辛姓中已注明路史以爲楚公族誤

賓牟注楚滅孫之後案楚無滅孫

麋注左傳楚子敗麋師于屠渚案屠乃房之譌

賁注左傳魯有賁浦案魯只有地名賁泉

盆注千家姓云齊郡族案此殆誤以齊之盆成括爲
姓盆也

原伯注文王第十六子封于原是爲原伯後以爲氏

左傳有周大夫原伯貫原伯絞原伯魯原伯過案左

傳莊十八年有原莊公亦稱原伯

見二十年

傳無單稱

人姓氏之例然則原伯非氏也

姓氏急就篇
卽無此姓

僖二十

五年有原伯貫杜注云守原大夫馬驢釋史直稱伯

貫謂是原公之子宣十六年有原襄公釋史以爲伯

貫之子原襄公之子有原伯絞跪尋

二人見昭十二年

原伯

魯

見昭公十八年

伯魯之子原壽過

定公元年

以左傳名例通考

之或稱原或稱原伯其非氏可知

鄆注都寒切國名紀云古鄆國卽亳之鹿邑漢功臣表周應封鄆侯卽其國後因氏案周應所封之鄆攷漢書地理志無此侯國或是鄉邑名耳且此鄆字音多不音單

韓餘注姓考云晉卿韓宣子之後有名餘子者奔齊爲韓餘氏案嫡子之母弟曰餘子見左傳宣二年非人名也姓考誤

韓言注左傳類解云晉大夫韓子魚之後爲韓言氏

案左傳晉有韓子輿子羽無子魚

邯鄲注三國志魏有邯鄲淳又有邯鄲商爲雍州長
史案邯鄲商陳畱人爲雍州刺史見魏志龐涓傳注
引典略非長史也

顏庚注左傳有齊大夫顏庚涿聚案齊顏庚字涿聚
非姓顏庚

研注北史齊有研胥案姓氏急就篇斫氏注北史齊
有斫胥此誤作研

便注國名紀云古便國在桂陽姓纂云以國爲氏案
漢桂陽郡有便縣竝非侯國

綿注姓苑云晉大夫食邑因氏左傳晉有綿思是也

案左傳晉無綿思廣韻晉張方以綿思爲腹心姓氏
急就篇綿姓注云左傳魯有綿房生晉張方以綿思
爲腹心晉張方上未引廣韻字遂以爲皆引左傳之
文而臆撰曰左傳晉有綿思以傅會姓苑之說誤矣
遷注千家姓云圮橋族案古無郡名圮橋者何以云
圮橋族

弦注千家姓云代陽族左傳晉有弦超鄭有商人弦
高齊有弦施弦多案姓氏急就篇注云齊有弦多弦
施鄭有弦高晉有弦超晉于寶搜神記載有神女智
瓊與弦超爲夫婦事乃晉朝之晉也乃誤以爲春秋
之晉而引左傳以實之妄改王氏注之次第眞不通

古今之人也

懸注路史云衛大夫采邑後因氏案古無懸字衛安得有此邑當作縣

淵注路史云高陽八才子蒼舒謚淵因氏案高陽氏時安得有謚當由誤會左傳高陽才子八人蒼舒隤斂禱戴大臨虜降庭堅仲容叔達齊聖廣淵明允篤誠之文以爲此八字乃八人之謚耳然蒼舒居一亦當日謚齊而曰謚淵何也與去聲聖姓引姓源說以隤斂謚聖者同謬

顓注神僊傳有太元女顓和案後顓頊複姓又引神僊傳有太元女顓頊和

先賢注漢功臣表有歸德侯先賢揮案揮當作揮

鷄韓注穆天子傳鷄韓氏有樂野案穆天子傳云鷄韓之人無鳧獻良馬然則鷄韓似是國地名非姓氏也當闕疑

螭注左傳有螭固案左傳當作禮檀弓

僚注左傳晉陽僚安之後案當作晉楊氏大夫僚安之後

遼注姓考云牢金改姓遼案後牢注又云牢金改姓勞

郊尹注姓考云楚大夫郊尹之後案左傳楚蔓成然爲郊尹其子皆鬬氏姓考所云殆意揣之辭耳

茅成注姓考云邾子支庶案左傳邾有茅成子其名

曰夷鴻成乃其謚也以茅成爲姓誤矣

哀七年左傳文

茅地注姓考云亦出曹邾裔案左傳邾有茅地茅其氏地其名以茅地爲氏又誤

茅夷注左傳邾大夫茅夷鴻因氏案夷鴻卽茅成子之名以茅夷爲氏又誤

高注左傳齊有高虎案未見

糕注姓考云姜姓齊侯之裔案唐以後始有糕字且說文徐氏新附亦只收饀不收糕三代時安得有糕姓乎妄矣

和注三國志魏有和治案治爲治之譌

婀注出姓氏急就篇莊子有婀荷甘案後又載婀荷
複姓引莊子婀荷甘

衙注三國志蜀有都護衙博案衙博乃出晉書惠帝
紀姓氏急就篇亦云晉人

拏注姓氏考云莒公子拏之後案左傳作莒拏非拏
車成注左傳晉大夫車成之裔案左傳未見姓氏急
就篇車氏注云後漢車成

長注左傳晉有長克魯死智伯之難案左傳當作史
記又有說詳養韻長克複姓

蓄案蓄姓音色此入陽韻未詳

陽成注左傳晉有陽成泄案左傳無姓氏急就篇注

云韓非子陽成義渠又晉陽成泄不言出左傳

揚干注姓苑云晉卿采邑因氏案揚干爲晉悼公之弟姓苑所云未詳

長興注長興築案築乃渠之譌

防風注姓源云北方長狄之裔案左傳杜注以長狄爲防風氏之後此反以防風爲長狄之裔

唐杜注姓考云劉累之裔封方城之唐爲唐楚併唐徙杜爲唐杜氏案左傳晉范宣子自言其先在周爲唐杜氏乃云始于楚矣唐國有二又誤混爲一故有此謬說也

強梁注左傳秦大夫強梁臯之後案左傳秦無此人

常壽注姓考云吳王之後案此殆以吳子名壽夢臆爲是說耳攷左傳昭五年越卽有常壽過未必是吳王之後闕疑

成公注晉書有成公緩案緩當作綏

登侯注左傳曹有登侯孺案此條大謬左傳僖二十八年曹伯之豎侯孺乃譌豎爲登孺爲孺遂以登侯爲複姓公然標目令人噴飯

裘注氏族大全云孟獻子友裘牧仲之後案此條蒙童亦知哂其謬陳先生濫載之何也

儻案儻爲儻字刻誤

聚注姓纂云出聊氏後去邑從木爲聚氏案聚子內

史見于詩在聊氏之前如何云聚出聊氏姓氏急就篇不引姓纂說蓋已知其謬矣

畱注史記謁者傳有畱長孺案謁者爲日者之誤不更注路史云宋公族左傳成十三年秦有不更女父案不更是秦官名下當有以官爲氏句宋公族語無據

黔注左傳齊有黔敖禮記有黔婁案黔敖見禮檀弓黔婁見列女傳漢書藝文志此注何其荒唐也

鍼注左傳鍼無咎案當作宜咎下箴姓注同誤

箴注姓源云陳大夫鍼無咎奔楚爲箴尹因氏案此說謬矣陳箴宜咎奔楚在襄公二十四年而宣公四

年鬪克黃已爲箴尹矣且定公四年尙有箴尹固矣豈于此而獨有箴氏乎

箴尹注姓考云楚大夫有箴尹本虞姓箴無咎之後因氏辨已見上

南里注左傳晉大夫南里叔子之後案左傳晉無此人

三邱注三國志蜀有三邱務案王伯厚亦云然檢蜀志無其人

瞻注元史有眞定人瞻思案元史乃瞻思

字從貝

姓騰

與正字通皆誤作瞻思矣瞻思爲大食國人內附後徙眞定仕至江東廉訪副使其祖魯坤其父幹直不

知其何氏然非姓贍也

汜案姓在三十咸韻字當作汜

函治注漢末有門侍郎函治子覺案門上脫黃字

董闕注淮南子云趙襄子臣有董闕于案董闕于卽董安于安闕二字聲相近故傳寫不同非以董闕爲姓也急就篇云代焉于顏師古注云焉安也于曲也焉于言無所屈撓也王伯厚補注曰晉有董安于亦曰闕于史記景帝子臨江王闕于可證闕于之爲人名矣

舉注一作舉于家姓有舉舉二姓竝音拱按韻書無舉字舉當作舉音扶案舉姓集韻亦作舉

字見說文此舉

字蓋卽舉字仿寫之譌者至舉字亦字書所無者姓
騰虞韻質韻皆有舉字一姓舉當是舉字之譌然皆
與拱音不符則所說亦未足據也

鄙注國名紀云古有鄙國後因氏亦見左傳案左傳
無鄙國

子注左傳宋有子皮子鮑子山子明案左傳宋公子
鮑者文公名也子山者蕩意諸之字也子明者樂溷
之字也未見所謂子皮者鄭有子皮此皆人之名字而誤
以爲子姓一派亂道

里注左傳有里析案析當作析

履注左傳晉有宦者履鞮案左傳是勃鞮

子叔注衛大夫子叔黑臂案臂當作背

子工注姓考云齊大夫子工儔之後案左傳昭八年有子工注云子成之弟鑄也此誤作儔

子淵注姓源云田齊公孫捷之後案姓氏急就篇子淵氏左傳齊頃公之孫子淵捷其語甚明姓源誤以田齊之公孫捷當之

子郢注姓考云衛公子郢之後案衛公子郢者字子南非字子郢也以子郢爲氏殆誤

子然注姓苑云鄭大夫駟罕之後案駟罕當作駟歛歛字子然

子夏注姓考云齊公子勝之後案左傳齊無公子勝

惟陳哀公之子公子勝齊當作陳

士貞注姓源云晉康公士貞之後案康公二字未詳
左傳晉有士貞子

士吉注姓考云晉范氏成叔生蔦蔦生吉爲士吉氏
左傳有晉大夫士吉射是也案春秋分紀云成叔生
士蔦士蔦生士穀士穀生士會士會生士燮士燮生
士匄士匄生士鞅士鞅生士吉射其氏曰士其名曰
吉射今乃割士吉爲氏又謂是士蔦之子皆大誤

史朝注姓考云左傳衛有史朝駒案左傳衛無此人
世本作史朝朱駒

史樂注漢書有少府樂成案漢書恩澤侯表便樂成

顏師古注云杜周傳作史樂成霍光傳作便樂成然則卽一人也以史樂爲複姓未知何據

棐注姓考云古棐國鄭之棐林是也案左傳文十三年鄭伯會公于棐經傳皆無林字且是地名非國名語注姓源云鄭公子語之後有語氏案左傳鄭莊公之子曰子人語其後爲子人氏旣以字爲氏卽不得以名爲氏矣

莒注左傳齊有莒桓案桓當作恒

侶注宏治時有尙書侶鍾案明史宏治時之尙書姓侶卽似非姓侶也以明人說明事亦有誤乎

禍案禍姓字典已辨其譌

浦注晉書有起居注浦選案姓氏急就篇浦氏引晉起居注有尙書郎浦選起居注者書冊之名此刪去尙書郎三字而倒易起居注三字是誤以爲官名矣豎陽注呂氏春秋楚有豎陽穀案左傳成十六年穀陽豎杜注子反之內豎也呂覽作豎陽穀後漢書劉梁傳亦作陽穀章懷注引淮南子同此或傳本不同然無以豎陽爲複姓者

堵敖注姓源云楚文王熊羆號堵敖後因氏案楚文王下脫子字

宰注左傳魯哀公時有宰析睢案左傳魯無此人惟曲阜縣志列傳有宰質睢哀公之傅也姓氏急就篇

注引淮南子魯宰折睢

尹注姓考云沈子逞奔楚爲令尹後有尹氏案春秋昭二十三年吳敗頓胡沈陳蔡許之師于雞父胡子髡沈子逞滅是沈子逞已爲吳所獲矣安得有奔楚爲令尹之事

展注隋書有展子度案度恐是虔

免注姓源云衛大夫免餘之後案錢大昕養新錄云此廣韻之誤也衛大夫免餘本公孫氏非免氏也王伯厚卽不引廣韻

攷案字書無攷字此必攷字刻譌

夏注左傳又有衛大夫夏茂案茂當作戊

馬師注姓源云左傳衛羽頡爲馬師因氏案衛當作鄭

也先注夷姓一作野僊元史有野僊普化爲四川廉訪使案元人之名其氏族最難考名有也先字者不可枚舉卽以有普化者言之有也先普化字西英舉元統元年進士者乃瓮吉刺氏也有野僊普化爲中書右丞者乃札刺兒氏也有埜僊普化字有恒進士爲大名路滑州判官者乃唐兀氏也又也先亦作野僊有野僊脫因者乃蒙古氏也又作也鮮有也鮮不華者乃達達兒氏也又普化亦作不花也先不花有三一爲怯烈氏一爲來氏一爲乃蠻氏又作不華有也

先不華者乃唐兀氏也予據錢大昕元史氏族表詳述于此今以也先爲姓亦未之考耳

養注老子傳有養奮案老子當作孝子

長注史記晉有長克魯死智伯之難案姓氏急就篇複姓長兒氏引長兒魯作證姓觸亦有長兒複姓此克字誤此人引入長姓下亦誤

仇注姓考云梁四公子仇臂之後案孟子母仇氏則非仇臂之後矣

省注宋大夫省滅之後案滅當作臧

郢注漢書有肥如令郢人案如當作如

景丑注孟子有景丑氏案孟子言景子曰漢藝文志

亦作景子未必氏景丑也古人原有此文法耳

酉注史記魏有酉牧案三國志魏高堂隆傳犢民酉牧年七十餘有至行此作史記誤

丑注元史有丑閻案丑非姓也攷元史氏族表有三丑閻其一字時中元統元年進士歷知安陸府者乃唐兀氏也其一爲泗州達魯花赤者乃回回古速魯氏也其一字益謙元統元年進士爲保定路遂州判官者乃哈刺魯氏也

沈注姓源云楚莊王子貞封沈爲沈諸梁之祖非也姓考云左傳成八年晉滅沈沈子逞奔楚沈逞生沈嘉沈嘉生沈尹丙沈尹戊尹戊生沈諸梁諸梁生沈

尹射尹射生沈尹朱沈尹赤是皆沈子姬姓之裔與
楚莊王子貞芊姓不同案姓考所說大謬攷左傳成
八年追敘六年晉人獲沈子揖之事昭公二十三年
吳人獲沈子逞定公四年蔡人滅沈以沈子嘉歸殺
之今云成八年晉滅沈沈子逞奔楚豈不是夢藝若
夫沈尹戍沈諸梁者乃楚莊之後姓源有據乃駁之
而從姓考之謬說偵矣夫沈尹者楚沈邑之尹也其
人非一宣十二年已有沈尹將中軍矣襄二十四年
有沈尹壽昭四年有沈尹射五年有沈尹赤十九年
有沈尹戍哀十七年有沈尹朱也今乃以楚之沈尹
諸人爲沈國子嘉之後以牛易馬已大可笑矣而又

曰沈諸梁生沈尹戌不又可笑乎作姓考者不足責
獨怪陳先生亦不檢照而妄錄之何也左傳無沈尹
丙亦是白撰

百案字當作召

痛注急就章有痛無忌案當作急就章云凡引某書
作有某云云者爲有此姓之人也若急就所云痛無
忌非有一人姓痛而名無忌者也顏師古注云痛氏
本盛國之後無忌言無所避忌也古有僊人宋無忌
其文甚明諸書引急就章如偏呂張液客調之類多
昧此義

用注漢書有高堂令用虯案當作高唐

敵注左傳有齊人敵無有案當作敵無存

翠注急就章有翠鴛鴦案此有字亦當作云

季連注姓源云左傳晉有唐邑大夫季連齊案姓氏
急就篇注只云晉有季連齊晉有季瓜忽宋有季隨
逢所云晉宋當是朝代而作姓源者意是春秋晉宋
而以左傳附會之而不知左傳實無其人也

季隨注姓源云左傳宋有季隨逢案說已見上

季瓜注姓源云左傳晉有祁邑大夫季瓜忽案說已
見上

戲陽注左傳衛有戲陽遯晉有戲陽狄案左傳衛有
戲陽速作遯誤音無戲陽狄

味注後魏濁燭渾氏改爲味氏案姓氏急就篇朱氏後魏渴濁渾氏改爲朱氏此作味氏在五未韻中未詳

尉注左傳鄭大夫尉止尉轍之後案轍爲翩之譌貴賈注禮記有貴牟賈案禮記賓牟賈夫人而知之此條無引書竟出自先生之手矣

厲注又吳志孫皓以孫攜奔魏改爲厲氏案吳志孫匡傳言孫秀奔晉裴松之注引江表傳曰皓大怒追改秀姓曰厲此作孫攜誤

衛慕注後趙錄元昊母衛慕氏案後趙錄三字闕疑泰注又夷姓元史有鎮江路總管太平紹興路總管

秦不華案元史或作太不華或作秦不花其人不一
一太不華爲來氏一太不華爲伯牙吾氏又有一秦
不華爲台州路達魯花赤江浙行省參知政事又一
秦不花官萬戶乃合魯氏也此數人之名雖傳寫小
異然皆非姓秦也

大狐注左傳晉獻公娶大狐氏案左氏只云大戎卻
無大狐名目

介注左傳有介葛盧案介國也爵姓無考未必姓介
姓氏急就篇亦引介葛盧而云介國名蓋未質言之
璿注音書有璿錢案此承廣韻之誤也錢大昕曰晉
書有錢璿廣韻誤以爲璿錢王伯厚亦誤載此姓

邲案字當作邲

曼注左傳鄭有大夫曼滿案左傳宣公六年云鄭公

子曼滿既曰公子則非曼姓矣

王伯厚只引鄭曼伯

曼邱注左傳齊有曼邱不釋案左傳未見

暴注左傳有暴新公案左傳無惟世本有暴辛公

伉注苦浪切姓考云宋大夫采邑左傳司馬牛卒于

伉氏是也案左傳作阬氏非伉氏其音爲古庚切或

音岡亦非苦浪切

盪注姓考云宋司城公子盪之後案左傳作公子蕩

非盪

膳案係媵字譌刻

竇公注文字志云魏文侯時有樂人竇公氏獻古文樂書一篇案文字志當作漢藝文志志只云竇公無氏字以竇公爲複姓恐誤

僕注漢書功臣表有渾良侯僕朋案渾良當作渾渠角由里案角是俗譌字當作角字典辨之已詳

牧師案此姓一韻中重出

督注晉大夫督式案式爲戎之譌

燭庸注路史云吳公子燭庸之後左傳齊有大夫燭庸之越案左傳燭庸之越在襄公時吳公子燭庸在昭公時必非其後王伯厚卽無此語

秘刊案姓氏急就篇作祕邦字典作秘邦此作刊誤

弗注左傳晉有弗翰胡案左傳作蒦

兀注後漢賜樂安王元覽爲兀氏案當作後魏

薩注唐書有薩天錫案薩天錫是唐人笑話

察注元史有察罕案元史有察罕官左翼屯田萬戶
府副萬戶者薛亦氏也烏密之族又有一察罕追封
河南王諡武宣賜姓蒙古氏皆非以察爲姓也

折注氏族大全云齊大夫折文子之後姓苑云後漢
折象先以方術封折侯曾孫失國因氏案此二條皆
大誤左傳齊析文子歸父非折文子也姓氏急就篇
注折氏後漢折像其先張江封折侯曾孫國因氏此
引後漢書方術傳折象傳文也今乃去其字以象先

爲名而日以方術封折侯又誤認國名爲封國妄增一失字云曾孫失國而僞託之姓苑是何妄人所爲也

鐵木注元史有鐵木迭鐵木兒脫案鐵木兒脫乃答答帶氏鐵木迭未詳然皆非以鐵木爲姓也元人名有鐵木字者可勝數乎

閣注急就章有閣并訶案急就章本作閣并訶王伯厚注云閣一作閣顏師古注曰并訶言眾竝訶喜也其非人名可知此有字亦當作云

拓至注夷姓北史周賜王秉王興竝爲拓至氏案當作拓王氏至字誤也錢大昕辨廣韻誤一條云周書

有賜王盟爲拓王氏未見王秉王興賜姓也

獲注姓源云宋大夫尹獲之後案尹當作猛

石注鄭公子豐之子公孫段字子石其後有石甲父

石莢石楚石首石制石孟案此條誤矣鄭有二子石

一公子豐之子也一公孫黑肱之子印段字子石也

乃公子印之孫皆魯襄公時人以左傳及世族譜攷

之公孫段之子曰豐施豐卷印段之子曰段癸不言

其裔有石某者至石申父

此誤作甲父

見于僖二十四年

石楚見于文十七年石癸

此誤作癸

見于宣三年石制見

于宣十二年石孟見于襄十一年此皆在二子石之

前時代甚遠自當有受氏之故今乃概以爲公孫段

之後誕妄可笑矣

液注急就章云液客調案客乃容之譌

白侯注三國志吳有白侯子安爲張昭將案張昭傳言昭從白侯子安受左氏不言爲其將此妄改也

析注後漢有析象案此又誤以折从手象爲析从木象矣

稷注姓源云衛大夫后稷之後案石譌刻作后

息注姓考云媯姓有息國左傳楚文如息媯是也又姬姓有息國左傳莊十四年楚文所滅之息侯是也後竝有息氏案此又大謬矣攷之左傳蔡哀侯娶于陳息侯亦娶陳女曰息媯後蔡哀有不敬息媯之事息導楚伐蔡執哀侯哀侯怨息繩息媯以語楚文王

莊十四年文王滅息以息媯爲夫人然則息媯云者
息夫人之姓也姓考乃謂息是媯姓文義不明之甚
陳氏又謂姬姓有息國以別于媯息幾若楚文所滅
有兩息國者如此讀書亦太麤心矣

鴿注左傳莊七年遂人四族有鴿氏案鴿爲領之譌

葉注三國志吳孫堅傳有都尉葉雄案孫堅傳大破

卓軍

卓謂
董卓

梟都督華雄乃誤爲都尉葉雄可笑

輒注衛出公輒之後案字當作輒

涉其注姓纂云楚大夫涉其帑之後案姓纂大誤攷
左傳定五年云王之奔隨也將涉于成曰藍尹亶涉
其帑不與王舟藍尹亶者爲藍尹而名亶者也涉其

帑者只以舟涉其妻子渡而不與王舟也豈可以涉其帑爲人姓名乎

接耶注三輔決錄有接耶子案姓氏急就篇接氏引三輔決錄有接昕子此作接耶以爲複姓未詳

甲注姓源云左傳鄭大夫甲丕甫之後案左傳鄭無此人

姓觴棐誤終

汪 郁校字

陶炯照覆校

陳登庸覆校

